

續修鎮番縣志卷之七

宦蹟列傳

許 協山西平定州人道光甲午冬知縣事整飭庶務
政理刑清鎮邑舊惟孟公良允吳公攀桂盧公生華
著有邑乘僅於五涼志中載其遺稿此外概無傳焉
公慮年湮代遠文獻無徵遂捐廉二千緡會集官紳
搜羅採訪三閱月裝訂成帙鎮有縣志實自公始
敬聯星字斗南環縣拔貢道光三年官鎮番教諭性耿
介勤於啓迪矩步規行雅有名儒道範文廟學宮遇

續修鎮番縣志

卷七

宦蹟列傳

一

有傾圮責任所在必隨時補葺不敢放棄時值纂修
邑乘公考訂遺缺究詰疑難贊成之力居多焉

謝慶祥字文園廣東嘉應州人嘉慶二十四年任鎮番
典史廉明簡易佐治勤能凡市井中遇有桎梏無賴
不法行為無不嚴加懲治以靖刁惡道光五年襄修
縣志公分掌庶務秩序釐然去時人皆載道頌之

張西銘皋蘭舉人道光五年任鎮番教諭性和易不立
崖岸惟以敬教勸學栽培人才為務論文力崇先正
士可造就無論知與不知必懇懇訓迪俾循途識徑

蔚然成章一時士儒景從登龍攀鳳竟有桃李公門
之頌適值創修縣志公以班馬史筆悉心校讐至今
猶膾炙人口云

周兆錦字古漁直隸大興人道光十九年由翰林改官
鎮番知縣愛民如子利弊所在罔不盡心籌畫力求
實際尤注意人才士可造就者格外嘉惠暇輒講習
討論循循如師友然士林德之去時以清介稱

何映彩安定人道光二十三年由舉人官鎮番教諭秉
性廉潔學問深邃課士以敦品為先常集生徒研究

續修鎮番縣志

卷七

宦蹟列傳

二

經史每遇古人忠孝大節足以風世勵俗諸列傳必
反復訓導不使聽者感激奮發毅然有抗節前人之
心而不止一時名士強半出其門下應試生童所有
卷紙稅費遇家道單寒力不能給無不格外從廉藉
勵前程士儒感戴咸以長者目之

石鍾英狄道州人道光二十六年由舉人官鎮番教諭
風格端嚴舉止凝重平居勵行時以先儒不妄言不
妄動不妄想數語兢兢自持而課士亦以此為根底
嘗於齋舍生徒嚴加訓迪不稍寬假故好學之士多

樂從亦多成就一時沐澤者皆謂公有性理學派云
李燕林字杏南浙江山陰舉人道咸間兩任鎮番工詩
文精書法為政持大體不矜苛察公餘之暇留心學
務集士儒講論一堂抵掌而談與諸生等尤注重水
利屢以河流泛溢築堤開渠躬親督役不辭勞瘁士
民咸感戴焉嗣卒於官邑人於杜公祠塑像以祀之
何履亨字翊卿福建丙辰進士咸豐十年權邑篆清介
廉惠凡徭役供支必平價給值不恐擾民栽培士類
優為獎勵惻惻欵欵已不以官自居士亦不以官目

續修鎮番縣志

卷七

宦蹟列傳

三

之直師友而已嗣因鄉民之妄告公據詞憤怒欲置
被告於大辟及提詢其人推魯目不識丁公遂憮然
曰此子豈能為惡者刑名大事稍不慎即誤入於刑
吾今而後知官吏之執法百密不無一疏吾愧吾民
多矣遂乞終養與鎮民揮涕告別後聞離鎮後偕胞
弟蘭足歸里云

張兆甍山東濟陽人同治二年攝邑篆時回氛四起城
垣傾圮公即通飭川湖多築堡寨為捍衛計復諭紳
民急辦鄉團以資聲援鎮人於戎馬倉皇中多所保

全公實與有力焉

哈國霖字雨生江蘇江甯回教人同治間兩任鎮番廉明慈愛以惠著時軍役浩繁供給纍纍城垣殘破戰守無資公淬厲人民晝夜防守四年解任曾居旅舍逆回繞城圍攻勢如危卵公隻身縋城苦口關說回首楊文治等因宗教關係遂率部遠颺城賴以全救危捍患今猶稱之

韓廷芝字蘭亭武威人同治三年任邑遊擊性豪放有膽氣時值回變鎮以三邊扼要一綫巖疆孤懸塞外

續修鎮番縣志

卷七

官蹟列傳

四

危險萬狀公竭力防衛聞警即躍馬揮戈摧鋒陷陣時賊勢蔓延唐家灣河東新溝六壩柳林湖諸堡寨陷於重圍相繼乞援公日夜轉戰所向披靡塞旗執戟斬獲甚衆長城保障人皆賴之

陶世貴湖南人同治四年以遊戎蒞鎮甫攝篆陝回告警全隴大震鎮處沙漠之地邊城孤立戰守無資公急整營規繕甲治兵以備不虞嗣賊由東路來襲鎮官紳調集川湖民夫堵禦南河口公親往督戰至十二月大股回至壓岸而陣勢張甚公身先士卒直衝

賊陣往來擊刺將以却敵旋因民夫潰走公見勢窮援絕即提戈喊殺突出重圍劈道奔至蘇山坡幸免馬五年正月賊飽颺猶懼反噬遂商同余令宗麒修治城垣將前次之木棚戶扉藉資防守者逐段毀拆修築土牆閱九月工程粗具城門雉堞節次告竣民賴以安後由督標中協陞任甘肅提督

黃昶字暘谷江西臨川人同治七年知縣事廉惠有威人不敢干以私甫下車即以剪除豪猾為首務時值軍需旁午供役浩繁客兵悍將藉端騷擾公挺身

續修鎮番縣志

卷七

官蹟列傳

五

保護不少屈淫威亦無所加與遊擊陶世貴修築城垣畢著勤勞至大河潰決親詣勘驗督率兵勇設法開改民享水利者數十年去後入杜公祠祀之今猶感戴不置云

續 增字紹庭鑲黃旗舉人同治十年知縣事性嚴正恩威並濟時大軍蹂躪雜課繁冗加以歲飢米珠薪桂公均徭平賦不稍科派聞有堡寨失陷必親臨被害地方將男婦屍骸迅令掩埋躬親祭奠以慰幽魂九月二十五日夜半賊繞城西北隅聞柝聲寂遂登

陣及避覺賊已分布堞口如議聚公帶兵勇揮戈亂刺復以劈山礮仰擊火光燭天人馬喊嘶賊遂警潰人皆謂公之勤勞所致云後改名裕曾陞任固原直隸州知州

錢崇基字鑾坡江蘇沐陽亞元同治十二年知縣事值兵燹之餘元氣盡耗凡有累於民者悉行罷除惟以休養生息保全地方為急務軍興後文社空虛士皆廢學公加意栽培規復學款並延請博雅之士主講書院倡捐廉俸優給膏火與教諭楊公天培互相鼓

續修鎮番縣志

卷七

官蹟列傳

六

勵學校復興即以此為基礎焉

楊天培字因之秦安舉人同治十二年官鎮番教諭為人謹厚雅飭循循善誘邑自兵燹後士儒奔走倉皇救死不贍所至學舍舉皆廢圮河西童試文宗不紊臨者八九年時大軍甫平歲科復行亂離之餘士荒於學經史帖括強半束之高閣先生召集生童入齋習藝殷勤訓迪直如塾師之課子弟者然一時采芹食餼文風復振皆公力也後陞甯靈廳教授歸里卒

汪

渠字偉齋湖南善化舉人光緒八年官鎮番知縣

善屬文精書法甫下車問民疾苦首以興學靖盜為要務有犯必懲恩威並濟課士優給膏獎鄉試獲售者多出其門邑自兵燹後文社空存公諭學紳經商營息資或絀以廉俸繼之又捐設義塾俾無力讀書者皆得有所造就嗣以瓜期及代無計挽留闔邑士民製救時甘雨之額以誌不忘

蘇重熙字曜生山東淄川舉人光緒十三年來宰鎮邑沈毅博雅有儒吏風聽斷嚴明人莫敢欺而亦無能欺之者遇事不假手胥吏信賞必罰公私肅然為政

續修鎮番縣志

卷七

官蹟列傳

七

重農桑興學校水利時刻若遇爭競案件一以舊例為率絕不任意變更致滋紛擾暇則親詣學舍集諸生討論經史校閱文藝嘗捐廉課士摘帖括最佳者優給膏火以示鼓勵一時文學增進惟公多所栽培云

江昌燕字頡雲安徽歙縣進士光緒二十一年知縣事廉惠明決有不便於民者如倉規積弊悉行剔除時河湟告警公先事防衛就地籌款補城垣移沙磧招募鄉勇二百名晝夜訓練以保治安及聞寇至躬親登陴巡邏數十日目不交睫回入境聞防堵嚴舉皆

竄擾而遁地方賴以乂安

彭汝翼字輔廷臬蘭舉人光緒二十九年以大挑官鎮
番教諭性豁達磊落不拘小節獨慕古人慷慨好義
雄奇激烈之行視斯世屑屑俱無足當其意者為文
根據經史不蹈恆蹊詩賦騷雅尤稱絕調且精曉歧
黃博覽羣書凡雜記小說議論間作為口頭語皆其
緒餘耳少負才名文章經術不作第二人想及九躋
禮闈竟以教職任官遂鬱鬱不得志每與知己談心
當興高采烈精神煥發時或借古今人之顯揚騰達

績修鎮番縣志

卷七

宦蹟列傳

八

以自快慰若不如意事偶觸目前即於斗室中長歌
狂嘯以發胸中不平之氣平居課士校藝人皆仰若
泰斗及學堂設立厯充校長尤能熱心教育力開風
氣宣統二年纂修邑志秉筆未果事遂中止民國三
年學官改稱奉祀員先生決計歸田不求仕進奈阮
囊羞遊行也濡滯五年冬卒於學署邑令周公紹武
蒞任雖生前未獲覲面而歿後格外垂青從優周恤
復令盧紳蔭棠親治喪具在在如禮都人士懷公之
教澤聞訃來弔爭相奠賻集有三百餘金公之子扶

柩回籍士林悼之

張 璠字石塘湖南湘鄉人光緒三十四年為邑令靜
默厚重廉明有威時值歲旱士民望雨情殷公焚香
步禱甘雨立降一時巷歌衢祝有歲歉轉豐公實活
我之謠居年餘清靜寧謐境內肅然

劉國琦字慕韓安徽霍邱人宣統二年知縣事為政識
大體遇事敢為甫下車嚴治豪猾奸慝不少縱容明
年秋武漢起義南北響應土匪乘機竊發處處告警
公慮黨徒煽惑人心思亂一有暴動勢將燎原乃商

續修鎮番縣志

卷七

宦蹟列傳

九

同鄉紳柳借社穀招募馬步壯丁二百名急設城防
以備不虞復諭飭湖紳按糧籌餉以足兵食時會匪
嘯聚蠕蠕竊動日以焚衙署劫富商明目張膽散布
蜚語市民搖撼幾無甯晷公日夜巡邏密秘調查拿
獲匪首二人嚴加禁錮旋即請兵鎮攝方欲草薙禽
獮痛絕根株而後止嗣恐大亂頻興激則生變遂斬
決匪首以警餘黨而思逞之徒從此斂迹地方賴以
安全去時士民遮道結綵焚香以祝之

民國

袁 翼字滌盦浙江嵊縣人民國三年由農工商部技
正以才能調鎮廉幹有威鈴束吏役雖嘖笑不假政
識體要籌置公產田租並抽收駝稅作為法定基金
以振興學校一時學堂林立逐漸起色驗契一節造
端宏大辦理不善未免公私交困公多方調劑苟利
於民即攘背直前雖考成所在不計也嗣因調查隱
漏親往柳湖見飢民滿野嗷嗷待哺遂輸粟賑貸全
活甚衆而尤注重水利西河堤堰修築不遺餘力蒞
任兩載振刷維新蓋縣令之循良者

續修鎮番縣志

卷七

宦蹟列傳

十

周樹清字韶武安徽合肥舉人民國五年攝邑篆性和
而介政識體要甫下車聞杜公振宜為縣令中第一
名宦躬親拜墓首先闡揚傅培峰貢士忠節懔懔即
建祠校內藉崇鄉賢繼又籌集鉅金葺文廟纂縣志
築南門以固城防東郊建立義塚與夫注重教育推
廣學校四十余處之多文風為之丕變皆其渾渾至
大者至維持現狀政平訟理俾官民相安地方靜謐
尤見苦心生平工書法握管揮毫所至有聲一時賢
士大夫無不目為名孝廉蒞任四載竟卒於官人皆

惜之

設官分職本以為民縣令者親民之官令誠賢也其地之山水草木亦被其澤而有榮焉觀此則棠雨黍膏桐祠峴碑所以致民去後之思者豈有他哉本仁心仁政實事求是與民相見以天耳鎮番自明初設衛迄清雍正三年改衛為縣以至道光五年五百有餘歲其間官斯土而有政績能聲者既詳載舊志無俟贅述然今又近百年矣名父杜母實不乏人特恐人往風微口碑所傳久則無徵爰擇吏屬循良民稱父母者採其事實留諸簡冊使後之守宰執編興懷或亦得所考鏡聞風興起毅然而有深仁遺愛一時千載之遐思也乎